

DISSERTATIO INAUGURALIS,  
DE  
SIGNIS PUERPERII  
FALLACIBUS.

---

QVAM  
JUVANTE DEO,  
RECTORE VNIVERSITATIS MAGNIFICENTISSIMO,  
SERENISSIMO PRINCIPE AC DOMINO,  
DOMINO  
JOANNE CAROLO  
LUDOVICO,  
COMITE PALATINO RHENI, DUCE BAVARIÆ,  
COMITE VELDENTIÆ ET SPONHEMII rel. rel.  
LOCUM INTER MEDICINÆ PRO-  
FESSORES EXTRAORDINARIUM  
LEGITIME CAPTURUS  
LUDOVICUS RODOLPHUS  
SEUBERT,

MED. LIC. EJUSDEMQUE PROF. EXTRAORDINARIUS,  
PUBLICÆ ERUDITORUM EPICRISI EXPONIT,

RESPONDENTE

FRANCISCO CHRISTIANO LUDOVICO FROMMANN,  
*Gæpping.*

*Ad Diem April. MDCCLVIII. H. L. Q. C.*

---

TUBINGÆ, TYPIS BAUHOF - ET FRANCKIANIS.

*Tip. H. L. Cammer & Co.*

RECEIVED BY THE  
LIBRARY OF THE  
UNITED STATES DEPARTMENT OF THE INTERIOR

WASHINGTON, D. C.  
JAN 23 1891

THE NATIONAL GEOGRAPHIC MAGAZINE  
PUBLISHED BY THE NATIONAL GEOGRAPHIC SOCIETY  
WASHINGTON, D. C.

VOL. 2, NO. 1  
JANUARY, 1891

CONTENTS  
The National Geographic Society  
The National Geographic Magazine  
The National Geographic Society  
The National Geographic Magazine

THE NATIONAL GEOGRAPHIC SOCIETY  
WASHINGTON, D. C.

THE NATIONAL GEOGRAPHIC SOCIETY  
WASHINGTON, D. C.







4      \*      \*      \*

fui ventris prole fraudulenter exclamatur. Aut actu ab eadem exclusus est, sed ob evitandum e. gr. scandalum &c. pro genuino sui fructu minime agnoscitur, sive celatur.

#### §. IV.

Priorem casum (§. III.) allegatum propter temporis institutique rationem hic exponere nequeo, quippe peculiari disquisitione dignissimum. Alterum contra placido jamjam submissurus sum scrutinio.

#### §. V.

Quænam sunt itaque ista signa, editum partum declarantia? Diversa omnino tempora solícite sunt observanda, ubi diversa pariter occurrunt signa. Aliud enim est temporis stadium, paulo post enixum ingruens partum; Aliud iterum, quod priori remotius est, neque nisi post primam septimanam & ultra existit; Aliud denique post longa demum temporis intervalla contingit.

#### §. VI.

Primum quod concernit temporis stadium, (§. V.) post præsumptam statim partus exclusionem irruens, multa ibidem prostant signa, quæ junctim sumpta cæteroquin summe probabiliter partum recenter celebratum indicare videntur. Qualia eaque potissima sunt: copiosior lactis proventus; uterius sanguinem subnigrum, mucro immixtum, eumque grumosum effundens, foetorem denique expirans; ejusque pariter vagina nimis dilatata, atque orificium planum nec clausum; pudendorum intumescencia; abdominis cutis flaccida, rugosa, gracilis, ventre tumido ante viso; quibus adde ruptum primiparis ligamentum naviculare, frenulum dictum. (a)

#### §. VII.

a) Conf. JO. ERN. HEBENSTREIT *anthropol. forens.* Sect. II. Membra. II. Cap. II. artic. II. de lésion. mort. caus. §. XL.





## §. VII.

In secundo stadio, quod paulo ab enixo partu remotius esse dixi, (§. V.) quædam perinde considerata sunt signa, quæ de puerperio testari possent, sed neque amplius prioribus conspicua, neque tot eorundem coincidunt. Cessat nimirum tumor pudendorum; larga uteri cruentatio; ejusdemque ostium reperitur fere clausum, acuminatum iterum atque duriusculum. Vagina quoque rursus coarctata, & ad statum redacta pristinum. Cutis pariter abdominis prius flaccida, multisque referta rugis atque plicis in statum restituta est naturalem. Quare nihil superest, quod matronam suspectam redarguere posset, nisi tenue quoddam atque parvum sanguinis stillicidium, sensim sensimque subsequente materia magis mucida, quasi purulenta, evanescens; ligamentum porro, quod dicunt, scaphoideum, primiparæ disruptum, nec non mammae quandoque ad tactum dolentes, lactisque copia turgida.

## §. VIII.

Hæc sunt omnia in secundo temporis puncto conspicua partus. indicia (§. VII.) Jam videamus, quoad tertium temporis momentum, qualia occurrant puerperii olim celebrati indicia. Paucissima profecto eadem sunt, ex quibus matrona partu accusari suspectaque esse possit. Omnes enim generationi dicatæ partes in integrum fere restitutæ sunt, atque præter striarum albarum in regione hypogastrica, inguinali,

A 3

HERMANN. FRID. TEICHMETER *Institut. medico - legal. vel forens.*

*Cap. X. de abortu. Qu. II.*

D. MICH. ALBERTI *Systema jurisprud. med. c. præf.* CHRIST. THOMAS, Vol. I. P. prior G. VII. *De partu legitimo & illegitimo. §. VII.*

PINÆUS *de notis virginum. L. I. cap. VII.*

BAUL. ZACCHIAE *Questionum medico - legal. opus absolut. L. III. T. II. Q. IX.*

*Const. Cr. Car. V. art. XXXV.*





guinali, superisque atque interioribus femoris partibus meas cicatrices referentium præsentiam, atque ligamenti sæpius nominati (§. VI. VII.) navicularis defectum nihil invenies. An observatio Embryulcorum quorundam, contacto orificio uter no fissuras ibidem detegentium, quarum singulas cuique partui prægresso tribuunt, ullam meretur attentionem? Vana profecto mihi videtur conjectura, nihilque certi exinde colligi licet.

### §. IX.

Ex præmissis itaque patet, (§. VI - VIII.) juxta diversa temporum momenta diversa pariter desumenda esse indicia, quibus suspecta puerperii argui posset. Sed ad majorem defendendæ meæ de eorundem fallaciâ atque demonstrandæ sententiæ dilucidationem operæ pretium duxi, singula puncta solícite prius considerare, quam fallaces deinde ex iisdem junctim comprehensis deducendas celebrati nuper partus indagines e solidis, ut putem, explicare rationibus.

### §. X.

Primum, quod (§. VI.) allegavi, signum, copiosior dicitur lactis proventus. Quid vero iste in expiscando probet puerperio, lippis fere ac tonsoribus notum est, vixque meretur ullum scrútiniûm, cum nullum unquam magis dolosum, nullumque magis anceps occurrat indicium. Nam neque gravidæ, neque foetus pondere liberatæ solum, sed nec ita rarissime tam virgines, aliæque non gravidæ mulierculæ, (a) quam nobilior sexus, (b) quid? infantes largiori quandoque gaudent lactis effluvio. (c) THEODORUS CRAA-

(a) Conf. CONST. CR. *Car. V. Art. XXXVI.* GALEN. *L. V. Aphor. HIPP. XXXIX.*

(b) Aristotel. *L. I. de animal. gener. C. XII.*

(c) vid. CASP. BARTHOLIN. *instit. anat. L. II. de thorace.*



CRAANEN. (*d*) infantis meminit trium mensium, lac ex mammis fundentis. JOAN. RHODIUS. (*e*) de puella recenset octo dierum, cui lac ex mammis exprimi poterat. GREGOR. HORSTIUS *f*) Baronem quemdam vidit, carnosum corpulentumque, qui pro lubitu lac ex mammis exprimebat. THOM. BARTHOLINUS (*g*) e viro tantum lactis emulctum vidit, ut caseus inde sit confectus. CASPAR REJESIUS (*h*) de patre quodam refert, qui proprios filios uberibus suis abundanter lactavit. Exemplum foeminae quinquagenariae, quae absque conceptione lac effudit, narrat LOYS. BOURGEOIS. (*i*) Aliam refert historiam HENRICUS AB HEER. (*l*) de muliere, quae aridis ab undecim annis mammillis infantem lactavit, copiosa superveniente lactis copia. Virginum lactantium exempla recensent SCHENCKIUS; (*m*) RÖDERICUS A CASTRO; (*n*) KORN-MANN; (*o*) THOM. BARTHOLINUS; (*p*) Et quae sunt reliqua ab Auctoribus summa fide dignissimis prolata in EPHEMER. GERM. CURIOS. (*q*)

## §. XI.

Jam fluxus sequitur uteri cruentus, (§. VI.) qui si nimia copia, grumorum pariter ad instar, tandemque cum aliquo

(*d*) Tractatus Physico-Med. de homine. Cap. CLXV.

(*e*) Cent. II. obs. med. XXXVII.

(*f*) L. 1. de corp. hūm. Exercit. VII, qu. VIII.

(*g*) Anat. reform. L. II. C. I. p. 215.

(*h*) Camp. Elys. quest. med. q. XLVII.

(*i*) De obstetric. off. P. I. C. I.

(*l*) obs. XIV.

(*m*) Observ. med. L. II. Tit. de mammillis.

(*n*) L. IV. Medic. polit. C. XII.

(*o*) de virgin. C. IX.

(*p*) Hist. anat. rar. C. I.

(*q*) Ann. II. obs. CXXXV.



quo erumpit foetore, atque stillicidio aliquali terminatur puerulento, ab Auctoribus pro momentoso allegatur puerperii ante celebrati indicio. Quod vero maximis profecto dubiorum nebulis, contra omnem decidendi securitatem militantibus obscurari, non saniori modo facile respondet ratio, sed plura quoque ex quotidianis observationibus deprimi possunt historiarum exempla. Nam optime licet moneant, ne lochiorum fluxus cum menstruo confundatur sanguine, facillime tamen commiscentur diversa hæc cæteroquin cruoris effluvia, siquidem non paucae dantur virgines pariter ac mulieres, satis larga profundentes catamenia, (a) Præcipue quæ mollioris, spongiosioris dispositionis, plenique succi sunt, atque vitam degunt otiosam, sedentariam. (b) Neque rara sunt menstruantium exempla, quibus sub largiori tali sanguinis fluxu frustra fragmentaque coagulati procidunt cruoris, cujus phænomeni rationem apprime decedit GEORG. ERN. STHALIUS. (c) Virginibus porro atque mulieribus menses plus minusve temporis retenti magno quandoque erumpere solent impetu, atque enormi ab initio sanguinis profusione frustillatimque diu satis stillant. Cujus veritatem exemplum instar omnium luculenter illustrat in MICH. ALBERTI *System. jurisprud. med.* prostant, (d) ubi de puerperii falsa suspitione sermo est. Quippe quod eo magis contingit, quo vehementiores præmissi continuantur emmenagogo-

(a) PETER DIONIS. von Erzeugung und Geburth der Menschen. I. Buch. V. Cap.

THEOPH. BONNETI *Medic. Septentr. P. alter. L. IV. Sect. II. obs. XV.*

(b) HERMANN. BOERHAVE *Instit. med. de menstruis. §. 667.*

(c) *Theor. Med. ver. Sect. II. P. III. Memb. V. de mensum vitiis.*

(d) *Part. poster. Cas. XV. & Epicris.* Casus pariter admodum intricatus XVI. in MICH. BERNH. VALENTINI *Pandect. Medico-Forens. P. I.* recensitus omnino huc referri meretur, è quo nimirum luculenter elucescit, non admodum facile esse, lochia à mensium fluxu ita discernere, ut ne multum supersit dubii.





gogorum usus. (e) Quo minus itaque foetor aliqualis hisce grumis sanguineis in utero plus minus retentis conjunctus sit, quid obstat? (f) Præsertim quando haud sanioris sunt mulieres virginesve corporis habitus. Præsente enim morbi- da corporis impuris succis repleti constitutione nimis foetidas quandoque tempore menstrui spargi exhalationes, solide de- cidit *Respons. Facult. med. Hal.* sodann kan auch bey Weis- bespersohnen, welche impuros humores haben, destomehr aber, wann eine kränckliche Disposition da ist, eine fœ- tida purgatio menstrua erfolgen, ohne daß eine Impræгна- tion geschehen seyn müßte. (g) Qua ratione pariter puru- lentus effluxus non nisi satis modicus post lochiorum termi- num conspicuus facillime cum fluore confundi potest albo benigno, malignove, quippe qui ita intime quandoque inter se conveniunt, ut præ similitudine improvidus illico com- mitti possit error. Quare cautelæ ab HERM. FRID. TEICH- MEYERO pro distinguendis lochiorum a mensium fluxibus in medium prolatae notabilem revera adhuc patiuntur latitu- dinem. (h)

## §. XII.

Hæc de uteri cruentatione. Jam ad aliud progrediar puerperii signum, quod ab uteri vagina petitur nimis dila- tata. Sed nec hoc omni fallacia experts esse, ex sequentibus edocebitur. Nam præter id, quod mulierum genitalia juxta laxiorem corporis dispositionem humidumque temperamen- tum per se non admodum constricta sunt atque coarctata, facillime qualescunque evenire possunt casus, quibus ad ma- jorem extenduntur amplitudinem, unde improvidis via ad innumeros errores sternitur uberrima. Siquidem partes istæ  
B generat-

(e) GEORG. ERN. STAHL. l. c.

(f) REGNER. de GRAAFF *Oper. omn. de mulier. org.* 6. 18.

(g) Vid. ALBERT. l. c. *Cas. XIII.*

(h) *Instit. Med. forens. C. X. Qu. II. p. 67.*





generationi dicatæ five morbis vel totius corporis vel non nisi harum partium prægressis, five præsentibus adhuc, ut: cachexia, cacochymia &c. fluoribus uterinis, albo &c. five adhibito sæpius balneorum usu, (a) ad maiorem diriguntur distensionem. Quibus accedunt, ut quandoque fieri poterit, lascivæ harum partium frictiones, quibus mucosi e lacunis intra extraque uteri vaginam reperiundis promanantes humores (b) ad maiorem semper invitantur effluxum, neque secus ac arte facta ista ad salaciores pruritus excitandos adplicita instrumenta, (c) laxiorem vaginæ canalem nimis quantum dilatant. Quippe quod eo magis fieri solenne est, quo auctiores desuper eminent mensium fluxus, easdem partes per se laxiores lubricando humectandoque relaxantes.

### §. XIII.

Modo dicta vero (§. XII.) non ad primum alterumve restringenda sunt puerperii diem, quippe efficiendis tantis vaginæ dilatationibus minime sufficientia, quantæ nimirum ab ejusdem initio ob magnam transeuntis foetus molem contingunt. Sed remotioribus paulo ab enixo partu temporibus, quantum nempe, quintum, sextumve diem egregie adplicanda erunt. Dantur interdum casus satis intricati, ubi uteri vagina superveniente præsertim menstrui fluxu ita reperitur dilatata, ut iusta improvidis videri possit puerperii vix celebrati suspicio, licet illud nunquam fuerit prægressum. Famofum enim supponamus prostibulum, quod crebrioribus semper indulgit scortationibus, cujus exinde repetitis irritationibus atque frictionibus relaxantur, copiosorumque humorum

(a) MICH. ALBERTI *L. c. P. prior. C. III. §. IV. de virginitate integra & laesa.*

ibid. *Cas. IV. & Epicris.*

(b) REGNER. de GRAAFF. *l. c. C. IV. de nymphis.*

(c) Ibid.

RIOLANUS *in anatom. C. XXXV.*





morum affluxu humectantur genitalia. Anne præsentē præsertim largiore sanguinis menstrui quantitate & persistente aliquantis per illæ satis lubricæ prius atque explicitæ pudendorum partes ita exinde emolliuntur, ut absque ullo distendi possint renu? Rationi æque conforme, ac ipsa exploratum est experientia. Idem pariter de honestissimæ notæ mulieribus eo securius dicendum est, quo copiosior eminet sanguinis uterini profusio.

#### §. XIV.

Neque frivola porro contra ventris flacciditatem atque rugositatem (§. VI.) jure moveri possunt dubia, colligendam exinde puerperii prægressi certitudinem plane, ut mihi videtur, destruentia. Quemadmodum enim a foetu ergastulum maternum adhucdum occupante, sensim sensimque ad majorem excrecente magnitudinem magis plerumque atque magis augeri abdominis extensionem per se satis compertum est; ita pariter ab innumeris quibuscunque morbis, v. gr. fluore mensium retento, indeque collecto intra matricis substantiam sanguine, ejusdemque sive ovariorum statu hydro-pico, occlusis porro ibidem flatribus, colica, abdominisque tumoribus a qualicunque causa subortis &c. (a) intumescit

B 2

quando-

(a) Conf. THEOPH. BONNET. *Med. Sept. P. alter. Lib. IV. de mulier. affect. Sect. V. ac concept. ver. & fals. obs. XVIII. XIX. XX. XXI. XXIII. XXIV.*

THOM. REINES. *Schol. Jureconsult. med. L. III. Sect. IV. de cognoscend. ingravid. C. I.*

JO. ERN. HEBENSTREIT. *L. c. Sect. I. c. l. de cur. nascitur. & nascit. p. 21.*

Idem *Sect. II. C. I. De privileg. uter.*

HIRMANN FRID. TEICHMEYER. *l. c.*

NICH. ALBERTI *l. c. P. poster. epicris. in cas. XV.*

RODERIC. à CASTRO *de morbis mulier. P. II. Lib. III. Cap. VIII. de falsa gravitatione.*

PETER DIONIS. *l. c. zwentes Buch 1. Cap.*





quandoque venter, ut nisi solícite pensitentur vera graviditatis signa, nimis præcipitanter in falsam vocari possint minus gravidæ suspicionem. Quare evanescente alterutra tumoris causa expansa cito detumescere hypogastria, atque eandem relinquere, quam foetus, cutis flacciditatem, extra omnem dubii aleam positum est. Quodnam porro puerperii clanculum celebrati deducitur exinde signum, quando a legitimis olim partibus suspectæ relictum novimus abdomen pendulum? Sic quoque ex altera parte ventrem tumentem subligaculis fasciisque ita scite sustinere atque reprimere possunt mulierculæ graviditatem celantes, ut nulla fere supersit post partum rugositas. Idem pariter ampla pelvi præditis ut plurimum contingit, vel obesioribus foemellis.

## §. XV.

Orificii deinde uterini indicia (§. VI.) iisdem exposita sunt exceptionibus, quæ hucusque de partus signis (§. IX-XIV.) allegatæ prostant. Quantum enim ejusdem concernit planitiem, illa partu vix enixo citissime iterum evanescit, & in naturalem formam successive redigitur matricis osculum. Quare reperto eodem deplanato, sub ipso adhuc puerperii negotio deprehensa mater, delicti corpore ob temporis angustiam nondum celato convincenda erit. Alterum vero pro confirmando puerperio orificii signum ab ejusdem petitur apertura. Sed quanta obrutum illud sit fallacia, paucis sed solidis edisserere conabor rationibus. Osculum nimirum uterinum naturaliter clausum, certis quandoque temporibus, præcipue vero menstrui tempore plus minusve adaperitur. Quodsi catameniorum fluxus parva emanat quantitate, vix sentitur illud aliquialiter relaxatum. Quo majori vero copia urget sanguinis stillicidium, eo amplior requiritur transitus, eoque

FRANCOIS MAURICEAU *traité des maladi de femmes grosses*. L. I.  
*chap. VI.*

MARCELL. DONAT. C. XXV. L. IV. *Hist. med. mirab.*





eoque latiore dein orificium præbet hiatum. Supponamus ergo immodicum eumque continuatum aliquantulum sanguinis uterini effluxum, grumis frustisque cruoris immixtum, (§. XI.) anne exinde orificii labia ad satis amplam pro concedendo ejusdem exitu extenduntur latitudinem? Comprobatur hoc *Facult. Med. Hallens.* testimonio ita respondentis: auch hat wohl ex excessivo fluxu uterino menstruo eine ohn- gewöhnliche Oeffnung partium uterinarum sich begeben können. (a)

## §. XVI.

Neque minus genitalium externorum intumescencia pro signo prægressi puerperii, sed æquivoco satis & summis exposito dubiis ab Auctoribus allegatur. Sed licet equidem illa a quovis partu ob nimiam, quam patiuntur, præcipue in primiparis distensionem intumescere quandoque, non negare velim; attamen ab innumeris aliis causis eundem produci posse tumorem, certissimum est. Nam quemadmodum diversa morborum genera multum hic tribuunt, qualia præcipue sunt: affectus venerei, nimium fluoris albi, aliusve plus minus acrioris profluvium nimis quantum hic confluentis, partesque genitalium externas sufflantis: sic etiam externo quocunque modo, a lascivis nimirum perfricationibus, titillationibus, equitationibus, nimisque compressionibus &c. illæ partes ita irritantur, ut ne possit non aliqualis exinde excitari intumescencia, quæ dein cum ista a partu quodam producta eo facilius confundi potest, quo remotioribus à puerperio inspicitur suspecta, siquidem non solum sub promptiori sive repetito præcipue partu vix notabilem eam esse, sed mox etiam rursus evanescere, compertum est.

## §. XVII.

Et quid probat denique, quod (§. VI.) allegavi, con-

B. 3

tra



tra suspectam disruptum labiorum frenulum, (a) cum strictiores virginitatis defensores amissum illud ne pro genuino quidem defloratæ virginis signo assumere permittant? Interdum tamen, quamvis de hoc valde dubitem adhuc. id duntaxat veritati semper respondet, adeoque haud præcipitanter concluditur, eo præsentente nullum unquam prægressum fuisse puerperium, cum contra ejusdem defectus æque facile a crebrioribus cohabitationibus &c. ac a præmissis partu, derivari possit. (b)

### §. XVIII.

Hæc de singulis circa primum puerperii stadium concurrentibus potissimum differere volui indiciis, ut eo distinctius exinde elucescat, quam fallacia eadem, (uti supra §. II. monui,) in expiscanda esse possint puerperii veritate. Jam ad secundum partus stadium progrediens, (§. VII.) omnia quamvis paucissima ibidem conspicua, quæ contra suspectam testari possunt, examinabo puncta. Neque enim uterus, neque ejusdem vagina, uti primo post partum tempore, reperitur ita dilatata, ut inde suspecta editi partus graviter interrogari posset. Neque quoddam ab orificio matricis, quippe fere occluso iterum & accuminato petendum restat argumentum. Flacciditas porro abdominis aut prorsus evanuit, aut vix aliqualis restat rugositas, ad eruendam tamen puerperii veritatem minime sufficiens. Summatim omnia in primo puerperii stadio congruentia puncta præter mammarum lacte repletarum turgiditatem, fluorisque aliqualis uterini stillicidium, neque minus frenuli labiorum defectum plane desunt. Quid vero mammarum intumescencia, lactisque stillantis major minorve quantitas, quid deinde lochiorum residuum, quid denique disruptum atque relaxatum pudendorum frenulum

(a) Nitidam hujus frenuli delineationem sistit FRANCOIS MAURICEAU  
l. c. Lib. I. chap. V. fig. I

(b) Conf. PET. DIONIS. l. c. L. I. Cap. II.





lum in oculari fœmellæ fœtum occultantis examine valeat, fusius supra (§. X. XI. XVII.) pertractavi, quare eadem hic recoquere nolo, sed tertium in subsequenti paragrapho perlustrabo puerperii studium. (§. VIII.)

### §. XIX.

At quod primum prægressi partus indicium, a præsentibus in regione hypogastrica, inguinali, & utraque superiori interiorique femorum parte occurrentibus striis albicantibus meras cicatriculas referentibus deductum concernit, lubenter equidem fateor, illas non nisi immodicæ ortum debere abdominis distensionis, sed, cum ventrem ab innumeris quandoque intumescere posse morbis, uberrime (§. XIV.) demonstraverim; quo minus itaque relaxato illo eadem perinde ac in ventre ob fœtus molem prius expanso excitari possint cicatrices, nihil obstat. Quemadmodum in illis, quas jam antea peperisse notum est, hocce signum admodum æquivocis pariter nititur rationibus, si quidem satis est ambiguum, utrum a priori an ab ultimo partu præsumpto albis his venter insignitus sit cicatriculis. Quale vero labiorum frenulum abruptum præbeat pro convincenda matre partum denegante argumentum, supra (§. XVII.) indicavi.

### §. XX.

Hæc sunt omnia, quæ de singulis circa diversa puerperii tempora obvenientibus indiciis dici merentur, momenta. Quibus, ut putem, (§. X - XIX.) sufficienter expositis atque pensatis, solitaria eadem separatim considerata multis sane obnoxia esse fallaciis, neque quidquam exinde contra præsumptam puerperam omni exceptione majus proferri posse, luculenter patebit. Quare cunctis his præmissis omnia jam conjunctim comprehensurus simul obvenientia partus signa (§. VI.) recensita, eadem pariter dubiis niti posse rationibus demonstrabo.



## §. XXI.

Ponamus videlicet mulierculam, quæ gravissimis (§. VI.) allegatis puerperii signis prædita actu deprehenditur. Tument nimirum mammæ lacte turgentes; sanguinat matrix ad fluxum lochiorum instar; vagina ejusdem valde dilatata sentitur; hypogastria flaccescunt, rugentque; matricis osculum sentitur adapertum; pudenda intumescunt; furca evanuit; An idcirco secure concludendum erit: Quia omnia hæc cæteroquin puerperii signa simul coincidunt, ergo peperit matrona? formabo brevissimis casum: fœmella quædam post prægressam eamque diuturnam mensium emanfionem, justamque insimul ventris tumefactionem, atque supervenientem denique mammarum duritiem & distensionem tandem hæmorrhagia corripitur uterina, atque notabilem excernit concretionem molaticam, unde non modo os uteri valde adapertum, sed vagina quoque ejusdem ob causas (§. XII. XIII.) allegatas prius forsitan dilatata magis extensa fuit. Detumescēte porro ob repentinam concretionis molaticæ evacuationem abdomine, ejusdem cutis non potest non flaccescere; quemadmodum etiam pudendorum labia ob majorem humorum affluxum tumere videntur, atque furca prius satis relaxata majorem induit laxitatem. Quisquis itaque vel primo statim intuitu lubentissime fatebitur, inter verum falsumque hunc partum tantam esse connexionem, ut veritatem ex vera puerpera partum celante extorquere, admodum sane sit difficile.

## §. XXII.

Dari vero perplexos hujusmodi casus, nemo unquam negare conabitur, quippe quod repetitis exploratum habemus observationibus. Nam quemadmodum non mulieres modo maritatas, sed & *viduas virginesque* (a) molaticas varias discre-

(a) Conf. MICH. ALBERTI *l. c. P. prior. Cap. V. §. VII. & not. a.*

THEOPH. BONNET. *l. c. L. IV. S. X. cbs. III. IV.*

THOM. BARTHOLIN. *Cent. I. observ. XCVII.*





discrepantis magnitudinis vel a corrupta conceptione, vel relictis post partum *secundinis aut earundem frustulis*, (b) vel sanguine uterino aliave quacunque causa compositas in matrice gignere concretiones, aut uteri parietibus contiguas, aut pro temporis ratione diversæ pariter molis atque pluribus illi vel minoribus vasorum fibrillarumque tractibus adhærescentes, nulla indiget demonstratione; (c) Ita quoque illas citius aut tardius junctis insimul majoribus vel minoribus *veluti in naturali partu copiosis* (d) sanguinis uterini fluxibus expelli, gravissimorum virorum probatur exemplis. (e) Præcipue vero huc referri meretur *Casus XV. cum Respons. Facult. Med. Hall. & Epicris. apud Mich. Alberti* (f) fusius descriptus, ubi mulier quædam ob varia indicia ibidem concurrentia in falsam cecidit puerperii suspensionem. Prægressa nimirum fuit insolens ventris inflatio, graviditatem mentiens, quæ tandem prorumpente repentino eoque satis vehementi sanguinis effluxu, grumarumque cruentarum atque concretionis molaticæ evacuatione plane evanuit. Deficiunt quidem in substrato casu quædam puerperii indicia, mammarum videlicet lacte turgidarum tumefactio, atque nimis ampla partium genitalium dilatatio. Quare etiam cæteris paribus præ-

C

fata

(b) RUTSCH. *advers. anat.* II.

KERCKRING. *Spicileg. anatom.*

(c) Conf. LAURENT. HEISTER. *Instit. Chirurg. Cap. CLVI.*

MICH. ALBERTI *L. c.*

HERM. FRID. TEICHMETER *L. c. Cap. XII.*

(d) Vid. THOM. BOURNET. *thesaur. med. pract. L. XI. Sect. XIX. subsect. III.*

(e) HERM. FRID. TEICHM. *l. c.*

RODERIC. à CASTRO *L. c. Cap. VII. de mola.*

LAURENT. HEISTER. *L. c.*

FRANCOIS MAURICEAU *l. c. Chap. VI.*

PETER DIONIS. *L. c. L. II. C. XV.*

(f) *L. c. part. post.*





fata facultas pleno jure mulierem ab omni mala liberare potuit suspicione. Interdum quantum jam mammillas attinet, in hujusmodi casibus illæ lacte turgescere æque facile possunt, ac flaccescere, siquidem ubi menstrua diu retinentur, haud ita raro mammæ lacte replentur. Quod jam HIPPOCRATES notavit, dicens: *Si mulier neque prægnans neque puerpera lac habeat, huic suppressa sunt menstrua.* (g) Et AVICENNA repetiit, *Lac in mammis*, inquit, *quandoque adgregatur absque prægnatione, & proprie, quando retinentur menstrua.* (h) Junctis autem regulariter concremento matricis molatico catameniorum retentionibus, quid impedit, quominus lac in mammis generari possit? (i) ROMBERTUS DODONÆUS refert, *se vidisse viduam, gravidam visam, cui supervenientibus partus doloribus, non nisi aquosos humores enixæ, & ab illis liberatæ, lacte ubera repleta haud aliter fuerunt, ac si fœtum peperisset.* (l) Ex altera vero parte mammarum flacciditas atque gracilitas minime semper de non prægressa graviditate atque puerperio testatur, siquidem egomet ipse diversa novi subjecta, siccioris tamen corporis constitutionis, quæ repetitis licet puerperiis præter naturalem mammillarum laxitatem vix unam alteramve lactis ferofi guttulam emulserunt. Pari modo nimia genitalium amplitudo in hujusmodi casibus nihil auget suspicionis, siquidem pro ratione concrementorum has partes transeuntium mirum quantum quandoque respectu molis variantium strictior latiorve paratur orificii uterini vaginæque hiatus, & nisi in substrato casu illud vix palmæ longitudinem æquasset, unde genitalia vel minimam profecto

(g) *Lib. V. aphor. 39.*

(h) PETR. SALII *Diversæ in Avicennam sen. XII. Tract. I. C. I.*

(i) Idem in eundem *L. III. sen. XXI. Tr. II. C. XIX.*

JOAN. COSTÆUS in eundem *sen. XII. L. III. C. III.*

THOM. BOURNET. *L. c. Sect. XIX.*

(l) *Observ. med. CXLIX.*





profecto perpeffa sunt dilatationem, sed tanti fuisset voluminis, quanti veluti varia describuntur ab acutissimis hinc inde observatoribus, quid mirum dein, partes generationi dicatas eandem, quam in naturali partu, perpeti expansionem? Quippe quod eo certius eoque facilius juxta varias contingit observationes, quo majorem eadem olim expertæ sunt ob partum aliasve causas (§. XI. XII.) distensionem.

### §. XXIII.

Ex prædictis itaque (§. XXII.) uberrime colligendum erit, multam veri falsique puerperii indiciis interesse analogiam, adeoque magnam inter utrumque committi posse fallaciam, præcipue nisi sedulo & repetitis vicibus, quod tamen rarissime fieri solet, suspectæ indagatur venter. Cum desuper pro temporis ratione valde differre prægressi puerperii signa, & eadem omnia (§. VI.) allegata nunquam eodem tempore atque simul concurrere, satis constet. Nam primo post partum momento orificium uteri deplanatum reperitur, atque apertum, lochia copiose fluunt, summa adest ventris flacciditas, pudendorum dilatatio, & hoc est unicum illud punctum, ubi omnium certissime ob rationes (§. XV.) dictas de prægresso judicatur partu. Illico vero contrahitur matricis osculum, acuminatur, pristinamque sensim acquirit duritiem, neque tam copiosum continuatur, ut ab initio, lochiorum effluvium, atque ventris flacciditas sensim sensimque ut plurimum evanescit, quemadmodum ampliata matrix ejusque vagina juxta assiduorum Embryulcorum opiniones intra quatuor & viginti circiter horas in eundem fere, quem ante partum, redigitur statum naturalem, & pudendorum intumescencia, si aliqua adfuit, cito diffunditur. Secundo demum post partum die, neque prius regulariter lac fundere incipiunt puerperæ, *dummodo illud*, testante RODERICO A CASTRO, *primis duobus diebus matris ipsius non sit.* (a)

C. 2

Quod

(a) L. c. P. I. L. IV. C. VIII.





Quod quo copiosius erumpit, eo parcius sanguinis lochialis observatur profusio, (b) quæ sensim atque sensim circa novum, decimum, decimum quartum &c. definit diem, nullum enim figi potest emanationis tempus, siquidem robustioribus, atque exercitio deditis non tam diu neque tam largiter, quam otiosis, succulentioribus, multumque sanguinis alentibus fluunt lochia. Quandoque plane deficere eadem, observatum habemus. (c) Terminantur tandem in fluxum levio-rem, serosum, albicantem, (d) ad instar puris sani & cocti, qui magis magisque diminutus citius aut tardius plane cessat. Mammarum vero lacte turgidarum tumefactio, si lactatur infans, diu persistit, cum contra, si nihil unquam lactis emulgetur, ocyus aut serius sponte ut plurimum evanescit. En ergo genuinam omnium totius puerperii indiciorum invicem succedentium historiam, quæ satis luculenter edocet, quænam vel quot eorundem singulis post partum temporibus naturaliter coincidunt.

#### §. XXIV.

Quodsi (juxta §. XXI. XXII.) primaria partus prægressi atque maxime omnium conspicua indicia (§. VI.) adnotata tantis obnubilantur ambiguitatis nebulis, ut quam facillime maximus fallaciæ committi possit error, quid ergo certi atque indubitati ex signis puerperii in secundo stadio occurrentibus (§. VII.) eruendum erit? ubi nimirum præter levius quoddam sanguinis e matrice, sive non nisi materiæ albidæ stilli-

(b) Conf. *L'Anatomie d'Heister*, avec des *Essays de Physique sur l'usage des parties du corps humain* T. II. p. 30.

(c) Vid. idem T. I. p. 540.

Ephemer. Germ. Ann. I. obs. LXXII. Decur. III.

THEOPH. BONNET. L. c. L. IV. §. VIII. de puerperio. obs. I. & III.

(d) Conf. PETER DIONIS. L. c. L. III. C. IX.

FRANC. MAURICEAU L. c. L. III. C. IX.





Millicidium, atque plus minus majorem pro temporis ratione mammillarum tumefactionem nihil quidquam partus suspicionem parit. Partes enim generationi dicatae brevi temporis spatio ita coarctantur iterum, ut ne unquam intelligi inde possit, utrum partus praegressus fuerit nec ne? HENRICUS DEVENTER (a) se dissecuisse, refert, puerperam nono post partum die emortuam, cujus matricem ita reperit coarctatam, ut nullus unquam visus fuerit partus praegressus. Cum vero mammarum tumor a praeeunte diu menstruorum retentione aliave causa aequae facile ac a promisso puerperio oriri, parcissima quoque sanguinis profusio cum leviori catameniorum fluxu hisce diebus effuso egregie confundi, atque exigua materiae huic subsequenter albidæ, pus referentis emanatio ab alia quacunque causa (§. XI.) derivari possit, vix ac ne vix quidem puerperii celebrati verisimilitudinem exinde derivari posse, satis superque liquet. Quippe quod sequentibus confirmat D. GIESLERUS: (b) *Es ist wohl nicht ohnmöglich, inquit, doch sehr zweifelhaftig, daß die, welche von einer Mannsperson corrumperet ist, auch von der ein Abortus oder andere Massa carnea informis gegangen, soll eigentlich zu unterscheiden seyn von der, die ein vollständig Kind zur Welt gebracht. Dann die weibliche Geburtsglieder eben sowohl in abortu als vero partu verändert werden. Und obwohl in perfecto partu selbige Theile sich mehr eröffnen und von einander geben, als sonst, so gehen doch solche so genau und hart wieder zusammen, als sie vor der Zeit gewesen.*

## §. XXV.

Fallacissima vero omnium sunt partus olim celebrati signa, (§. VIII.) siquidem striæ albæ hinc inde in abdominis

C 3

& fe-

(a) Observations sur le manuel des accouchemens.

(b) Im Gutachten über der Braunschweigischen Baade-Mutter: Attestat, p. 16, in Respons. Syndic. Brunsv. contra Oldencop.





& femorum regionibus sese exferentes non nisi de magna abdominis expansione testantur, quæ vero præter foetus in matrice contenti molem varias adhuc agnoscit causas (§. XIV. XIX.) recensitas, unde easdem pariter exoriri posse cicatriculas, repetitis compertum est observationibus. Furca vero labiorum amissa ab externis quoque aboleri potest qualibuscunque causis. (§. XVII. Quare PAULUS AMMANNUS (a) disertis asseruit verbis, *signa puerperii recentis in partibus genitalibus intra terminum puerperii, scilicet intra sex septimanas, evanescere iterum, adeo ut nihil de puerperio facto post annum elapsum videri queat.* Quod inter recentiores sequentibus affirmat JO. ERN. HEBENSTREIT: *Postquam ergo, inquit, suo levatus onere uterus est, ad pristinam, qua ante imprægnationem usus est, cavitatis suæ angustiam subito revertitur, ut signa partus celebrati, aliquo post tempore, deleantur.*

## §. XXVI.

Hæc sunt, quæ pro temporis institutique ratione de signis differere volui & potui puerperii fallacibus. Quibus, ut putem, luculenter investigatis, gravis omnino movenda erit, an tam arduum inspiciendi puerperæ suspectæ ventris negotium solis committi possit obstetricibus. Quamvis autem ex Jureconsultorum ordine varii sint Auctores, summopere contra obstetricum fidem disputantes, quorum præcipui sunt: BLUMLACHERUS, atque CYPRIANUS, inter Medicos vero præsertim JO. BOHNIUS (c) THOM. REINESIUS, (d) PAUL. AMMANN. (e) HERM. FRID. TEICHMEYER, (f) multique

(a) Irenic. Num. Pompil. c. Hipp. qu. utrum [de imprægnatione præterita aliquid certi referri queat? p. 110.

(c) *De officio Medici.*

(d) *Libr. cit. L. III. C. I.*

(e) *L. c. Qu. obstetrix, potestne de rebus mulieribus testari?*

(f) *L. c. C. IV. de virginitate. Qu. IV.*



multique alii de crassa earum inscitia conquerantur, quas ideoque solas de re medica vel muliebri testari posse. plane negat præfatus AMMANN, (g) siquidem nihil amplius sciunt, quam puerum nascentem gremio recipere, umbilicum rescindere, obligare, in balneo a sordibus abstergere, ac fasciis tandem involvere; (h) attamen, licet equidem enormem plurimarum in nostris præcipue regionibus obstetricum ignorantiam non denegare velim, prudentes, bonæque fidei, atque in arte peritissimæ & exercitatissimæ excipiendæ omnino sunt. Sed cum rarissimæ eadem sint, quarum peritia eousque se extendit, ut de abstrusis hujusmodi & lubricis casibus certissimum ferre possint judicium, Medicum omnino sive Chirurgum omnino in anatomia pariter & arte obstetricia expertissimum semper obstetricibus adjungendum esse, tutius erit atque consultius.

## T A N T V M.

(g) L. cit. p. 104.

(h) TEICHM. L. c.



Handwritten text, likely bleed-through from the reverse side of the page. The text is illegible due to fading and blurring.

Handwritten text, likely bleed-through from the reverse side of the page. The text is illegible due to fading and blurring.

Handwritten text, likely bleed-through from the reverse side of the page. The text is illegible due to fading and blurring.